

重修鳳翔府志

元

通詳續修府誌文

鳳翔府爲文獻日增郡誌未備謹詳請續修以備徵考
事竊照郡邑之誌原以備外史之藏供輜軒之採不惟
昭示來茲亦所以砥礪風化典綦重也鳳翔爲右輔重
地素稱名勝賢良蔚起代不乏人自羅兵燹以來廢墜
實多卽府誌一書官斯土者每以公務雜還尚未暇修
輯以致循聲雅化令範芳規多有闕焉未備者卑府案
牘之餘披閱舊誌自明萬曆五年纂修後距今百三十
載凡星野職方山川古蹟學校城池關梁祠宇土產民
風前賢往行悉皆班班可考無事補綴惟是人物科名
秩官職制賦役戶口以及忠孝節義等事歲有增益乃
皇清七十年來概未補入今若因循仍舊則世遠人湮卽姓
氏亦莫從稽考又何以表彰前哲鼓勵後人耶卑府忝
居守土於心竊怒焉未安更念闔省通誌現奉
憲檄修輯重刊設府誌不全亦何以備省誌之採擇卑
府不敢暇逸特將鳳翔府誌凡

本朝所未入者仍條分縷晰於各卷之末其殘缺失次朽
蠹模糊者俱校讐完補事竣卽當卽刷成帙恭呈



憲覽至於棗梨工役之費卑府身任其事力行捐措斷不敢涉及里下一絲一粟以自蹈愆尤也

憲臺居高聽卑自必洞鑒無遺相應據實詳明伏候
憲臺俯察緣係續修郡誌事理卑府未敢擅便理合申
詳為此備由除申

督兩部院

布二司

糧二道外合就具中伏乞

照詳施行

康熙四十九年五月

日知府加一級朱琦

通判祖建寅

重修鳳翔府志

通詳文

二

經歷潘清

奉

總督四川陝西等處地方軍務兼理糧餉兵部右侍郎

兼都察院右副都御史殷批仰候

陝撫詳行繳奉

巡撫陝西等處地方贊理軍務都察院右副都御史加

九級紀錄十五次鄂批修輯郡誌示勸懲昭來茲闕

乎世道民風者不淺博采羣議任之以老成紀之以
文物不遺不濫至於載筆忠孝節義尤當三致意焉

該府此舉良爲可嘉如詳行仍候

督院批示繳奉

陝西西延鳳漢興等處承宣布政使司布政使加一級
岳批如詳修輯完日卽刷齎覽仍候

兩院批示繳奉

陝西西延鳳漢興等處提刑按察使司按察使加九級
滿批鳳郡爲文獻名區該府續修郡誌具見留心風
化旣據通詳仰候

兩院暨藩司詳行繳奉

重修鳳翔府志

通詳文

三

署分守西延鳳漢興督理糧鹽道事驛傳道按察使司
副使加三級祖批仰候

院司批示繳奉

分巡西延鳳漢興驛傳道兼理地方事務按察使司副
使加三級祖批據詳增修郡誌捐俸急公足徵留心
風化殊爲可尚仰候

院司批示繳奉

欽差提督陝西通省學政按察使司僉事朱批鳳翔天
下名郡周室於茲發祥漢興列在三輔由唐歷宋事

業文章代不勝紀而山川景物之勝甲於閩中苟非
著作鉅手豈易輕言記載向來誌書闕畧無怪其然
該府儒林宗匠

簡任茲土數年以來政通人和百廢具興而誌書殘失仍
舊誠爲缺典今慨任修輯徵文考獻褒舊綴新行見
一郡輿圖瞭如指掌累朝文物燦若列星昭風化之
盛衰備輶軒之採訪非徒詞藻煥耀已也本道自愧
不文不能仰贊萬一願附名簡末以垂永久仍候

院司批詳行繳

重修鳳翔府志

通詳文

重修鳳翔府志序

今天子御極之四十有九年政通
人和年豐物阜薄海內
外烝三嚮風天下治平久
矣我

序

皇上博採天獻揚乾風化徵郡

邑志書彙付史館纂入

大清一統志凡以垂信史而

詔來茲甚盛典也鳳郡舊

有志無於明正德丙子脩

於萬曆丁丑迄今百三十載
其間天時人事陵谷滄桑
因革異宜損益殊制而忠
孝廉節以及循聲雅化
未易更僕數惜無人修而

序

二

志之故殘廢缺畧幾湮沒
於戈鋌煨燼而莫可攷也
歲丁亥余奉

命來守是邦蚤以作而夜思
皇之為以修墮丁廢墜為

事爰索舊志閱之列卷
五總綱七系地理若建置
若祠祀田賦官師人物選
舉咸經舉而目張矚然
大備而此百三十年来應

序

三

紀之蹟概未列入余乃深有
慰焉夫郡國岐周故地聖
哲挺生人材輩出望岍岐
沮洳之勝山川之相經自若
也溯遊麟翔鳳之禎西京

云俎豆常新也櫓楫櫟柘
物產之饒美猶在埒召棠
姬芻二陝之耆英猶相望
也且如高賢名世理學紹洙
泗之傳豈不第宜其政治婉
龍黃之績秦漢而還肩
相接趾相錯也苟詳於古而
畧於今將裴輒於斯者
奚所觀摩而興起洪政於
茲者奚所憑式而儀

型輜軒至止採風問俗者又
奚以別其真偽而詢其詳
慝焉非考之於今曷以徵
信於古非述之於後曷以
美於前然則郡志之修又

序

五

烏容已哉用是編茲境內
應紀之蹟凡勝國以至

鼎興所未備者悉舉而聚之
退食之餘躬自較閱詳請
各憲因其舊志而續之闕者

以補毀者以葺未入者分類
以增不涉民間錙銖捐貲劑
剏閱數月而告成於戲表微
闡幽郡長吏之職也修身踐
行嘉惠後學鄉士夫之美

序

六

也昌黎有言莫為之前雖
美而不彰莫為之後雖盛
而不傳後之君子似斯志而
覽之按事而考其人循名
而責其實而知忠孝廉

節循聲雅化代不立人由是
而立德立功立言出為廊廟
宰以黼黻太平退為古君
子以藏名山而傳其人以無
負

序

七

聖天子揚乾風化之至意是史冊
之光也則集增修之役不且
有厚望乎哉若夫裁制得
宜斟酌盡善操班馬之才
秉董狐之筆反而新之以

鼓吹乎休明始侯之後
子云彌是為序

時

康熙四十有九年歲次庚寅

蒲月上浣中憲大夫知鳳翔

序

八

府事雲間朱琦柯亭氏題

併書



重修鳳翔府志舊叙

鳳翔關西一大郡也其志所由來前無所考
自海一王公於正德間來守是邦常以府志
未成爲念因取前言往蹟旁搜博採分命八
屬並其博洽多聞弟子校正纂輯兩閱歲月
而規模備具誠哉一郡之全書也而王公虛
懷挹損常切未滿藏諸笥中以期補綴無憾

重修鳳翔府志

周叙

而始出乃迫於乞養恐更新無日不得已而
存其書用惓惓於後之守是邦者修明而嗣
葺焉越六十年而帶川梁公仰齋桑公相繼
巡駐鳳翔得明軒王公迎其意而要其成致
辭於余左右厥事余固陋不文因與賈生共
商叅訂而始得粗觀厥成嘻是亦可仰承海
一王公之苦心矣一切志中事實大小隱顯

細微曲折罔不兼該故條目具而綱領未立
事績載而文采未融或次序先後者而提掇
之事務繁簡者而損益之新舊同異者而更
定之臧否差繆者而虛實之勸戒疑似者而
明白之總綱五卷分目七篇而篇末各有其
說以卒綱目之義焉蓋宗法前人體統故弗
立一家之言儀型往昔議論而無肆穿鑿之

說在因道裁化追義定制以求通於經久而
已後之君子觀斯志也不知爲一郡全書耶
亦不知爲一郡未全書耶尚冀明哲觀省焉
嘗

萬曆五年冬十二月吉日

賜同進士出身中憲大夫四川叙州府知府郡人

周易吳峰氏撰

鳳翔府志舊序

夫志者記也郡志所以記一郡之蹟也記其蹟者紀其實也紀不本於實則雖侈言僞增以浮於實祇亦自誣不足以垂信苟或厭豐縟而就簡約吹求不滿之疵刪竄過嚴使夫可喜可愕可感可懲之事一切置之不紀遺落太甚者益損其真不足以考實而稽古是

泰者誇約者嗇二者皆失其實非志之良也烏在其爲志乎故記天文則知上應之宿斗柄所指分野所屬而氛祲災祥之見有所驗記山川則知一方形勝要害之處而防守有其地記賦稅戶口之詳則租庸調取於民有制而不過記土產則貢有常品而不妄求其地之所無記人物則有以考世代人品功業

之優劣記節義則有以激勵風俗而感發人之良心外雖流寓仙釋奇怪之事而亦載之者以見天地之大無所不有方外之人出於常理之外者世亦未嘗無也由是觀之郡志不容於不作作則不可不紀其實也予嘗愛禹貢之叙山川貢賦自源徂委由小入大秩然不紊周禮職方氏之叙事精切簡明嚴而

不刻豐而不穢太史公一書平通正直華而不靡質而不俚三書者皆志之鼻祖也固未嘗離其真而約言亦未嘗浮於實而侈大之也今之作志者記地理如禹貢周禮叙事如史記褒貶如春秋綱目鉅細不遺隱顯必載善惡必紀祖其意而不泥其迹究其妙而不襲其舊集諸書之長探古人之意則有以得